

Headlines

- राष्ट्रपति द्रौपदी मुर्मू होरें दिव्यांग लोकें दे सशक्तिकरण लेई कम्म करने आहलें गी राष्ट्रीय सम्मान भेंट कीते ते आखेआ जे दिव्यांग जनें गी दया ते कयास खाने आहलें दी नेई हमदर्दी दी लोड़ ऐं
- प्रधानमंत्री नरेंद्र मोदी होरें त्रै नमें आपराधिक कनूनें दी कामयाब अमल आवरी गी राज्य दे समर्पित करडन।
- केंद्री महिला ते बाल विकास मंत्री अन्नपूर्णा देवी होरें आखेआ ऐ जे सरकार महिलाएं दे विकास लेई पूरी चाल्ली समर्पित ऐ ते महिलाएं दे नेतृत्व आहले विकास बक्खी अगड़े बधै करदी ऐ।
- उधमपुर पुलसै जन सुरक्षा कनून तैहत आतंकवादिएं लेई कमम करने आहलियें दऊं महिला ओवर ग्राउंड वर्करें गी हिरासतै च लैता ऐ।



Prez. Award

राष्ट्रपति द्रौपदी मुर्मू होरें अज्ज नमीं दिल्ली च दिव्यांगें दे अंतरराष्ट्री दिवस 2024 यानि International Day of Persons With Disability-2024 दे मौके पर 33 अनुकरणीय व्यक्तियें ते संस्थाएं गी दिव्यांगें दे सशक्तिकरण लेई राष्ट्री पुरस्कार प्रदान कीते। इस कार्यक्रम गी संबोधित करदे होई राष्ट्रपति होरें आखेआ जे अज्जै दे पुरस्कार विजेताएं गी समाज दे सामने रोल माडल दे तौरा उप्पर पंछानेआ जा'रदा ऐ। उनें आखेआ जे उंदा अनुकरण करियै होर बी व्यक्ति ते संस्था दिव्यांग जनें दे सशक्तिकरण दी बक्खी अगगे बधी सकदे ना। उनें आखेआ जे दिव्यांगजनें च उद्यमिता गी बढावा देने, उंदे हुनर गी विकसित करने, उनेंगी रोजगार देने, उंदे उत्पादें दी खरीद च तरजीह देने कन्नै उंदी क्षमता च बाद्दा होग।

राष्ट्रपति द्रौपदी मुर्मू होरें आखेआ जे अज्जै दे पुरस्कार विजेता स्हाढे लेई प्रेरणा दा स्रोत बी ऐन। उनें दिव्यांगजनें गी वैश्विक सुलभता उपलब्ध करोआने च सुगम्य भारत अभियान दी भूमिका पर लौऽ पाई ते आखेआ जे दिव्यांगजनें गी सहानुभूति दी सहायता दी लोड़ ऐ। उनें एहू बी आखेआ जे इनेंगी हर चाल्ली कन्नै बाधामुक्त माहौल उपलब्ध करोआना समाज दी प्राथमिकता होनी लोड़चदी।

राष्ट्रपति होरें आखेआ जे इस बरे दे दिव्यांगजनें दे अंतरराष्ट्री दिवस मनाने लेई चुने गेदा
विशे:- “Amplifying the leadership of person with disabilities for an inclusive
and sustainable future” दिव्यांगजनें च नेतृत्व दी क्षमता गी बढावा देग। राष्ट्रपति होरें
आखेआ जे कुसै होर व्यक्ति आह्ला लेखा दिव्यांगजनें गी कम्म करने दा मौका देना उंदे च
आत्मविश्वास ते सार्थक जीवन जीने दी इच्छा गी पैदा करदा ऐ।

इस मौके उप्पर सामाजिक न्याय ते सशक्तिकरण मंत्री डॉ. वीरेंद्र कुमार होर बी मौजूद हे।

<><><><><><>

PM-Criminal Laws

प्रधानमंत्री नरेंद्र मोदी होरें अज्ज चंडीगढ च नमें फौरी कनूनें दे सफल अमलावरी गी राष्ट्र गी
समर्पित कीता।

प्रधानमंत्री होरें आखेआ जे इनें नमें कनूनें कन्नै भारग गी उपनिवेशक विरासत थमां मुक्त कीता
जाग। मोदी होरें पंजाब ते हरियाणा दे हाई कोर्ट दे वकीलें ते चंडीगढ बार दे सदस्ये दा बी
चंडीगढ च नमें फौरी कनूनें गी सफलतापूर्वक लागू करने लेई धन्नवाद ते बधाई दित्ती।

इस मौके पर बोलदे होई केंद्री मंत्री अमित शाह होरें आखेआ जे 3 बरें दे अंदर-अंदर एहू 3 नमें
आपराधिक कनून पूरे देसै च लागू कीते जाडन। इस थमां पैहले प्रधानमंत्री नरेंद्र मोदी ते गृह
मंत्री अमित शाह होरें चंडीगढ च 3 नमें आपराधिक कनूनें बारै लाई गेदी इक प्रदर्शनी दा दौरा
बी कीता।

<><><><><><>

Tribute Rajinder Prasad

राष्ट्रपति द्रौपदी मुर्मू ते प्रधानमंत्री नरेंद्र मोदी होरें अज्ज देश दे पैहले राष्ट्रपति डॉ. राजेंद्र
प्रसाद होरें गी उंदे जनम ध्याडे उप्पर चेतता कीता ते उनेंगी श्रद्धांजलि अर्पित कीती। अपनी इक
सोशल मीडिया पोस्ट च प्रधानमंत्री होरें आखेआ जे संविधानसभा दे चेयरमैन दे तौरा पर डॉ.
राजेंद्र प्रसाद होरें भारतीय लोकतंत्र दी मजबूत नीहू रक्खने च अमुल्य योगदान दित्ता। उनें
आखेआ जे अज्ज जित्थे सारें देशवासी संविधान दे 75एं बरें दा जश्र मना करदे न, उत्थे डॉ.
राजेंद्र प्रसाद हुंदा जीवन दे आदर्श उनेंगी होर प्रेरणा दिंदे न।

<><><><><><>

LG-Uber Shikara

उपराज्यपाल मनोज सिन्हा होरें जम्मू-कश्मीर दे सैलसफा क्षेत्र दे सब्बने हितधारकें गी श्रीनगर च उबर शिकारा सेवा शुरू करने उप्प मबारकबाद दिती ऐ। अपने इक सोशल मीडिया पोस्ट च उपराज्यपाल होरें आखेआ ऐ जे उबर शिकारा सेवा दे शुरू होने कन्नै सैलानियें गी शिकारे दी सवारी करने च मति सहूलियत होई जाग। उनें आखेआ जे एहू तकनीक स्हाढी सांस्कृतिक विरासत गी होर सोहगा करी सकदी ऐ। उपराज्यपाल होरें आखेआ ऐ जे अस रलियै दुनिया गी भारत दे ताज दी शान गी प्रदर्शित करा'रने आं। उनें आखेआ जे सर्दियें दे इस मौसम च जम्मू-कश्मीर दे लोक तुस सारें गी जन्नत दे जादुई नजारे दिक्खने लेई साद्दा देआ'रदे न।

<><><><><><>

LG-Condolence

उपराज्यपाल मनोज सिन्हा होरें वरिष्ठ नेता ते विधानसभा दे पूर्व सदस्य प्यारा सिंह हुंदा काल होई जाने पर बसोस जाहिर कीता ऐ। अपने इक शोक स्नेह च उपराज्यपाल होरें आखेआ ऐ जे परमात्मा दिवंगत आत्मा गी अपने चरसणें च थाह दे ते उंदे परोआर गी इस शोक गी सैहन करने दी शक्ति देऐ।

<><><><><><>

LS-Weavers

कपड़ा मंत्री गिरीराज सिंह होरें आखेआ ऐ जे राश्ट्री बुनकर आयोग बनाने दी कोई योजना नेई ऐ कीजे सरकार बुनकरें दी भलाई बेहतरी लेई लगातार कम्म करा'रदी ऐ। उनें दस्सेआ जे केंद्र बुनकरें गी बी माली मदाद उपलब्ध करोआ'रदा ऐ। अज्ज लोकसभा च इक सवाल दा परता दिंदे होई सिंह होरें आखेआ जे देसै च 26 लक्ख शा मते बुनकर न जिंदे चा 72 फीसदी महिलां न। उनें आखेआ जे सरकार बुनकरें लेई निक्के कलस्टर विकास कार्यक्रम हत्थखड्डी विपणन सहायता, मेगा कलस्टर विकास कार्यक्रम जनेही कई योजनाएं गी लागू करा'रदी ऐ।

<><><><><><>

Annapurna-Women

केंद्री महिला ते बाल विकास मंत्री अन्नपूर्णा देवी होरें अज्ज आखेआ ऐ जे सरकार महिलाएं दे बाहे विकास ते भलाई बेहतरी लेई पूरी चाल्ली बचनबद्ध ऐ ते महिलाएं दे नेतृत्व च विकास आहली दिशा च अगडे बधै करदी ऐ। नमीं दिल्ली च इक संवाददाता सम्मेलन गी संबोधित करदे होई उनें आखेआ जे प्रधानमंत्री हुंदी सोच ते नजरिया हर क्षेत्र च महिलाएं गी नेतृत्व दा मौका उपलब्ध कराने दा ऐ जेदे नै

<><><><><><>

Udh. OGW's

उधमपुर पुलस नै लोक सुरक्षा कनून तैहत दो महिला आतंकवादी सहयोगिणं गी हिरासत च लैता ऐ। जम्मू संवाददाता दी रिपोर्ट मूजब हिरासत च लैती गेदी महिलाएं दी पंछान लोधहारा, बसंतगढ दी रौहनी आहली मोहम्मद शफीक दी घरै आहली मरियम बेगम ते राए चक्क दी रौहने आहली जमाल दीन दी घरै आहली अरशद बेगम दे तौरा पर कीती गेई ऐ। इनें दौनें गी आतंकवादियें गी रसद ते रस्ते दी पंछान करोआने लेई कम्में च शामिल पाया गेआ ऐ।

<><><><><><>

RNU Raising Day

आकाशवाणी दा क्षेत्रीय समाचार एकांश जम्मू औंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बडुलै साङ्गे 9 बजे, 30एं मिंटे दा इक विशेष कार्यक्रम प्रसारत कीता जाह्ग जेह्दे च क्षेत्रीय समाचार एकांश दी भूमका, जिम्मेवारिणं ते कम्म करने दे तौर-तरीके दे अलावा, इत्थे कम्म करी चुके दे अधिकारिणं कन्नै गल्लबात बी शामिल होग। एह्दे अलावा संझा 7 बजे बी 15 मिंटे दा इक विशेष कार्यक्रम प्रसारत कीता जाग जेडा इस मौके पर स्हाङ्गे श्रोताएं ते जम्मू-कश्मीर दिणं नामवर हस्तिणं आसेआ भेजी जा'रदिणं शुभ कामनाएं पर आधारित होड्ना।

अपने कर्मिणं दी हौसला-अफजाई लेई, ऐकती स्थापना दिवस दे मौके पर उनें गी सम्मानित बी कीता जाह्ग जिंदे च 2024 ब'रे दे बेहतरिन समाचार सम्पादक, डोगरी ते गोजरी दे बेहतरिन समाचार वाचक ते अनुवादक, बेहतरिन जिला संवाददाता ते जनरल स्टाफ श्रेणी च बेहतरिन कर्मी दे सम्मान शामिल न। इस मौके पर 2024 आले लोकसभा ते विधानसभा चुनाणं दरान

आकाशवाणी दे विशेष कार्यक्रमें लेई सैह्योग ते जोगदान देने आहलें गी बी सम्मानित कीता जाह्ग।



LS-MSPCrops

केंद्री राई-बाई ते करसान कल्याण मंत्री शिवराज सिंह चौहान होरें आखेआ ऐ जे केंद्र नै घट्टोघट्ट समर्थन मुल्ल च लगभग त्रै गुणा बाद्दा कीता ऐ। अज्ज लोकसभा च इक जिमनी सोआल दा परता दिंदे होई चौहान होरें आखेआ जे एनडीए सरकार नै लागत पर 50 प्रतिशत मनाफा जोड़ियै घट्टोघट्ट समर्थन मुल्ल तैह् कीता ऐ। उनें आखेआ जे यू.पी.ए सरकार दे दौरान चौलें दा घट्टोघट्ट समर्थन मुल्ल 1 ज्हार 310 रपे फ्ही क्विंटल हा जिसी बधाइयै 2 ज्हार 300 रपे करी दित्ता गेआ ऐ। जिसलै कि जोवार दे डेढ ज्हार रपे क्विंटल आहले समर्थन मुल्ल गी बधाइयै 3 ज्हार 371 रपे क्विंटल करी दित्ता गेआ ऐ। इससै चाल्ली बाजरे दी कीमत गी 1 ज्हार 250 रपे क्विंटल कोला बधाइयै 2 ज्हार 625 रपे ते रागी डेढ ज्हार रपे कोला बधाइयै 4 ज्हार 269 रपे फ्ही क्विंटल करी दित्ती गेई ऐ।



RS-Health Care

केंद्री सेहत मंत्री जगत प्रकाश नड्डा होरें आखेआ जे सरकार देसै च प्राथमिक स्वास्थ्य सेवा सुविधा गी मजबूत करने आस्तै लगातार कम्म करा'रदी ऐ। राज्यसभा च अज्ज इक सवाल दा परता दिंदे होई नड्डा होरें आखेआ जे भारत च तकरीबन 1 लक्ख 73 ज्हार आयुष्मान आरोग्य मंदर स्थापित कीते गेदे ना। उनें आखेआ जे केंद्र सरकार 30 बरे दी बरेसू तगर दे लोकें लेई डायबीटीज़ हायपरटेंशन ते कैंसर जनेही बमारिएं दा पता लाने लेई जांच कराने दी योजना बना'रदी ऐ।

